



Broj: 02-04-1726/25-AP-9
Datum: 14.10.2025. godine

GRADSKO VIJEĆE ZAVIDOVIĆI
n/r PREDSEDavajućoj Gradskog vijeća
Hadžić dr Amira, spec. radiolog

PREDMET: Odgovori na vijećnička pitanja sa 9. sjednice Gradskog
vijeća Zavidovići održane 25. i 29.07.2025. godine, dostavljaju se

Povodom vijećničkih pitanja postavljenih na 9. sjednice Gradskog vijeća Zavidovići
održanoj 25. i 29.07.2025. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA SANELA JALMANOVIĆ

Vijećnik Sanel Jalmanović: Na osnovu člana 8 i 87 Poslovnika o radu Gradskog vijeća
Zavidovići, kao vijećnik Gradskog

vijeća za današnju sjednicu postavljam postavljam vijećničko pitanje:

S obzirom na predstojeću sezonu grijanja, postavljam pitanje u ime zabrinutih sugrađana:

Da li će građani Zavidovića imati osiguranu i adekvatnu isporuku toplotne energije u narednoj
grejnoj sezoni?

Smatram da ukoliko postoje bilo kakve tehničke ili organizacione prepreke koje bi mogle
dovesti u pitanje pravovremenu i kvalitetnu isporuku grijanja, neophodno je da se o tome
blagovremeno obavijeste građani kako bi imali mogućnost da se na vrijeme organizuju i
pronađu alternativna rješenja.

Također, podsjećam vas da je Gradsko vijeće 08. aprila tekuće godine održalo tematsku
sjednicu na temu stanja u JKP „Radnik“ Zavidovići, tokom koje su usvojeni određeni zaključci
i preporuke za poboljšanje rada preduzeća.

Šta je konkretno urađeno po pitanju realizacije tih zaključaka?

Koje mjere su preduzete, koje preporuke su implementirane, i kakvi su trenutni kapaciteti JKP
„Radnik“ u pogledu isporuke toplotne energije za sezonu 2025/2026?

Molim za pismeni i usmeni odgovor.

Odgovor na vijećničko pitanje (Odgovor je sačinjen na osnovu akta Službe za upravu
poljoprivrede, vodoprivrede i komunalnih poslova, broj: 08-45-22/25-AP-125 od 09.10.2025.
godine): O nemogućnosti isporuke toplotne energije u predstojećoj grejnoj sezoni građani,
korisnici usluge daljinskog grijanja, obavješteni su pismenim putem dostavljanjem akta uz
račune komunalnih usluga za mjesec august 2025. godine. Ova informacija, uz obrazloženje,
usmeno je saopštena na 1. tematskoj sjednici Gradskog vijeća 08.04.2025. godine.

Na istoj sjednici donesen je Zaključak sa 9 tačaka. Kolegij Gradskog vijeća je
20.06.2025. godine donio Zaključak, broj: 01-04-4/25-AP-106 kojim je, između ostalog,
zadužio Gradonačelnicu sa nadležnim službama da za 9. sjednicu Gradskog vijeća pripremi i
dostavi informaciju o realizaciji Zaključaka sa 1. tematske sjednice, što je i izvršeno.

Na 9. sjednici 25.07.2025. godine Gradsko vijeće je donijelo Zaključak, broj: 01-45-1585/25-AP-4 kojim je u tački 2) prihvatilo Informaciju o implementaciji zaključaka sa 1. tematske sjednice jasno navodeći da obzirom na Rješenje Kantonalne inspekcije JKP „Radnik“ d.o.o. Zavidovići nema mogućnost isporuke toplotne energije putem navedenih kotlovnica („Samačka“ i „Parnjača“). Tačkom 3) istog Zaključka naložena je priprema Prijedloga Odluke o subvencioniranju nabavke toplotnih pumpi - invertera. Odluka je pripremljena i razmatrana na 1. vanrednoj sjednici Gradskog vijeća 01.08.2025. godine. Gradsko vijeće je donijelo Zaključak, broj: 01-04-1681/25-AP-6 kojim odbija Prijedlog Odluke o subvencioniranju troškova nabavke i instaliranja toplotnih pumpi - invertera i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići. Poslije toga građanima je uz račune dostavljeno gore navedeno obavještenje.

2. VIJEĆNIČKO PITANJE VIJEĆNIKA ŠEMSUDINA SKEJIĆA

Vijećnik Šemsudin Skejić: „Na osnovu člana 87. i člana 166. Poslovnika o radu Gradskog vijeća (novi prečišćeni tekst, SI. glasnik 7/2022) postavljam set vijećničkih pitanja koja se odnose na stanje realizacije projekta Vodovoda: Rasječenica - Brezik u MZ Brezik

1. Da li je okončan, prije deset godina započeti, projekat Vodovoda Rasječenica - Brezik? Ako nije, molim da navedete vrijednost preostalih radova.
2. Da li je kompletiran projekat sekundarne mreže (prva i druga linija) za koju smo neke informacije dobili iz Izvještaja o stanju vodosnabdijevanja na području Grada broj: 02-45-1584/25-AP-3 od 14.07.2025. godine?
3. Da li su projektom sekundarne mreže (prva i druga linija) predviđena mjesta priključka za svaki zaseok - naselje? U odgovoru navedite lokacije na kojima se u skladu sa projektnom dokumentacijom trebaju priključiti svako od naselja koje će koristiti vodu iz Vodovoda Rasječenica.
4. Da li su neka od tih naselja već priključena na primarnu mrežu? Ako jesu, navedite da li su priključci izvedeni u skladu sa projektnom dokumentacijom sekundarne mreže.
5. U pomenutom izvještaju od 14.07.2025. godine navedena je investiciona vrijednost 240.000,00 KM za prvu liniju 1.480.000,00 KM za drugu liniju. Da li to znači da je za Vodovod Rasječenica neophodno još 720.000,00 KM ili će možda dio postojeće sekundarne mreže biti korišten u cilju smanjenja troškova projekta sekundarne mreže?
6. Da li Gradska uprava ima plan za nastavak i okončanje vodovoda Rasječenica ili je to prepušteno Mjesnoj zajednici ili zaseocima ponaosob?
7. Ostalo:
U ovom projektu za koji sam smatrao da je na samom kraju, ima toliko nejasnoća, kontradiktornosti i nelogičnosti da se nastavak ni ne nazire. Ne nazire se ni kontinuitet, a kamoli završetak.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-405/25 od 24.07.2025. godine): Projekat primarne vodovodne mreže Rasječenica i projekat rezervoara 2x100 m³ okončani su početkom 2023. godine, a ukupna investicija u periodu 2012 – 2023. godina iznosila je cca. 1.100.000,00 KM.

Sekundarna mreža se sastoji od sljedećih projekata:

Prva linija: projekat sekundarne mreže Vodovoda Rasječenica, linija Lug – Brezik – Memići - Bratanovići odobrenje za građenje izdato je 12.12.2024. godine, a projektantska vrijednost investicije iznosi 369.428,94 KM.

Druga linija: distributivna vodovodna mreža za naselja Brašlevine, Krajnići, Ismići i Luke izrađena u novembru 2024. godine i ista nema odobrenje za građenje jer je u toku rješavanje imovinskopravnih odnosa. Projektovana vrijednost investicije iznosi 805.680,99 KM.

Treća linija: Projekat sekundarne mreže za naselje Krivaja izrađen je u junu 2023. godine i isti nema odobrenje za građenje jer je u toku rješavanje imovinskopravnih odnosa. Projektantska vrijednost investicije iznosi 266.782,18 KM.

Četvrta linija: Projekat sekundarne mreže za naselje Krivaja - Smailbašići izrađen je u februaru 2023. godine i isti nema odobrenje za građenje jer je u toku rješavanje imovinskopravnih odnosa. Projektantska vrijednost investicije iznosi 1.285.256,64 KM.

Projektom sekundarnih mreža obuhvaćeni su priključci za sva domaćinstva koja su iskazala interes za vrijeme izrade projektne dokumentacije, a sam uvid u projektnu dokumentaciju može se izvršiti u Službi za upravu privrede, lokalni razvoj, infrastrukturu i međunarodnu saradnju.

Trenutno, vodovod Rasječenica koristi 92 domaćinstva sa područja Memići, Lug i Brezik i 11 domaćinstava sa područja Brašlevina koji su se privremeno spojili na raniju sekundarnu mrežu.

Sekundarne mreže će se izvoditi prema projektnoj dokumentaciji i izdatim odobrenjima.

Grad Zavidovići planira u narednoj godini nastaviti sa realizacijom projekta Vodovod Rasječenica, odnosno faznoj izgradnji sekundarne mreže. Sama dinamika izgradnje zavisit će od iznosa vlastitih budžetskih sredstva koja će se moći opredijeliti za ove namjere kao i iznosa sredstava „vodnih naknada“ koja se dodjeljuju općinama i gradovima iz Budžeta Zeničko-dobojskog kantona.

3. VIJEĆNIČKO PITANJE VIJEĆNIKA OMERA ĆOSIĆA

Vijećnik Omer Ćosić: „Imam jedno pitanje, tačnije molbu građana iz ulice „Pinkasa Bandta“, tačnije kod stepeništa nove zgrade koja je u fazi izgradnje. Tražim da se odgovori ko je odobrio uklanjanje dva stuba ulične rasvjete na najadekvatnijim mjestima uz stepenište koje vodi prema zgradama prema novom naselju Predsjednik mjesne zajednice uputio je pisani dopis, ali do sada nije dobio nikakav adekvatan odgovor. Molio bih nadležne da u što kraćem roku vrate rasvjetu na isto adekvatno mjesto, kako se ne bi doveli u situaciju da Grad plaća oštetu zbog povreda građana, kojih je već bilo do sada.“

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-112 od 26.09.2025. godine): Otpočinjanjem radova na izgradnji stambenog bloka u vlasništvu preduzeća „Almy“ d.o.o. Zenica, a u neposrednoj blizini stepeništa koje vodi sa ulice „dr. Pinkasa Bandta“ do ulice „15. septembar“, došlo je do privremenog uklanjanja jednog stuba ulične rasvjete. Navadeni stub je u dogovoru sa izvođačem radova uklonjen zbog mogućnosti njegovog oštećenja jer se našao u zoni izvođenja radova.

Po istom dogovoru će ovih dana biti vraćen u funkciju jer se upravo vrše završni radovi na uređenju prostora oko izgrađenog stambenog bloka.

S poštovanjem

Dostavljeno:

GRADONAČELNICA

1. Naslovu,
2. U spis.

mr. iur. Erna Merdić Smailhodžić

Akt pripremio: _____
(Nermin Čahtarević)